

ZAJEDNIČKA IZJAVA

Usvojena na VI. konferenciji parlamentarnih komisija za evropske integracije država učesnica u Procesu stabilizacije i pridruživanja jugoistočne Evrope (COSAP)

Tirana, 9. mart 2012.

S ciljem vođenja redovne razmjene mišljenja u vezi s pitanjima koja se tiču Procesu stabilizacije i pridruživanja, zemlje učesnice VI. konferencije COSAP-a u Tirani:

Potvrđuju zajednički cilj - provođenje Solunske agende – perspektivu ulaska svih zemalja zapadnog Balkana u EU. COSAP smatra da je proces pridruživanja EU glavni pokretač neophodnih reformi u tim zemljama.

Uviđaju potrebu da se ojača uloga parlamenata u usklađivanju i nadzoru općenito kao i nadležnih komisija za evropske integracije, a naročito u cjelokupnom procesu evropskih integracija.

Slijede preporuke Evropske komisije koje proizilaze iz evropskog izvještaja o napretku za rad naših parlamenata u oblastima zakonodavstva, nadzora i komunikacija.

Pozdravljaju pokretanje projekta „Parlamentarna saradnja Zapadnog Balkana i Turske - podrška Cetinjskom parlamentarnom forumu“, koji je pripremio Sekretarijat Regionalnog vijeća za saradnju u okviru višekorisničke IPA-e za javnu administraciju i upravu, koji počinje 2012. godine. Očekujemo da će pružiti konkretan doprinos izgradnji kapaciteta nacionalnih parlamenata zemalja Zapadnog Balkana, prvenstveno parlamentarnih komisija za evropske integracije.

Skreću posebnu pažnju na usklađivanje zakonodavstva s pravnom tečevinom EU, na poboljšanje mehanizama parlamentarnog nadzora nad državnim aktivnostima kao i na unapređenje komunikacije o evropskim izazovima.

Nastavljaju i dodatno jačaju regionalni dijalog o procesu stabilizacije i pridruživanja. *Naglašavaju* potrebu za daljnjim jačanjem saradnje unutar procesa COSAP-a i izražavaju spremnost da se obavežu na nastavak redovnih sastanaka COSAP-a u skladu s Pravilnikom usvojenim u junu 2005. u Sarajevu.

Pozivaju Regionalni sekretarijat za parlamentarnu saradnju jugoistočne Evrope da posreduje u procesu uključivanja komisija za evropske integracije parlamenata zemalja jugoistočne Evrope u rad COSAC-a, u svojstvu posmatrača.

Zahvaljujemo Parlamentu Republike Albanije kao organizatoru i domaćinu konferencije COSAP-a i izražavamo punu podršku narednom predsjedavajućem COSAP-a – Parlamentarnoj skupštini Bosne i Hercegovine.